

三吳水利錄卷四

明 歸有光 撰

有光既錄諸家之書其說多可行然以為未盡其理乃作水利論

水利論

吳地痺下水之所都為民利害尤劇治之者皆莫得其源委禹之故迹其廢久矣吳東北邊境環以江海中瀦太湖自湖州諸溪從天目山西北宣州諸山溪水所奔

三湖水利錄

卷四

一

注而從吳江過甫里經華亭入青龍江以入海蓋太湖之廣三萬六千頃入海之道獨有一路所謂吳淞江者顧江自湖口距海不遠有潮泥填淤反土之患湖田膏腴往往為民所圍占而與水爭尺寸之利所以松江日隘議者不循其本沿流逐末取目前之小快別浚浦港以求一時之利而淞江之勢日失所以沿至今日僅與支流無辨或至指大于股海口遂至湮塞此豈非治水之過與蓋自宋揚州刺史王濬以松江滬瀆壅噎不利

從武康紆谿為渠滄直達于海穿鑿之端自此始夫以江之湮塞宜從其湮塞而治之不此之務而別求他道所以治之愈力而失之愈遠也太倉公為人治疾所診期決死生而或有不驗者以為不當飲藥針灸而飲藥針灸則先期而死後之治水者與其飲藥針灸何以異孟子曰天下之言性也則故而已矣故者以利為本禹之治水所以行其所無事也欲圖天下之大功而不知執其利勢以行其所無事其害有不可勝言者嗟夫後

三吳水利錄

卷四

二

世之論徒區區于三十六浦間或有及於松江亦不過浚蟠龍白鶴滙未見能曠然修禹之跡者宜興單錡著書為蘇子瞻所稱然欲脩五堰開夾苧于瀆絕西來之水不入太湖殊不知揚州數澤天所以豬東南之水也今以人力過之夫水為民之害亦為民之利就使太湖乾枯於民豈為利哉太史公稱禹治水河留衍溢害中國也尤甚惟是為務禹治四海之水而獨以河為務此所謂執其利勢者故余以為治吳之水宜專力于松江

松江既治則太湖之水東下而餘水不勞餘力矣或曰禹貢三江既入震澤底定震澤所以入海明非一江也曰此顧夷張守節妄註地里之誤其說云太湖一江西南上為松江一江東南上至白蠅湖為東江一江東北下曰婁江不知二水皆松江之所分流水經所謂長瀆歷河口東則松江出焉江水竒分謂之三江口者也而非禹貢之三江惟班固地里志南江自震澤東南入海中江自蕪湖東至陽羨入海北江自毗陵北入海郭景

三吳水利錄

卷四

三

純以為岷江松江浙江此與禹貢之說為近蓋經言三江既入震澤底定特紀揚州之水今之揚子江松江錢塘江並在揚州之境故以告成功而松江由震澤入海經蓋未之及也由此觀之則松江獨承太湖之水故古書江湖通謂之笠澤要其源近不可比儼揚子江而深濶當與相雄長范蠡云吳之與越三江環之則古三江並稱無疑故獨治松江則吳中必無白水之患而從其旁鈎引以溉田無不治之田矣然治松江必令濶深水

勢洪壯與揚子江埒而後可以言復禹之跡也

水利論後

單錡以吳江堤橫截江流而岸東江尾芟蘆叢生泥沙漲塞欲開菱蘆之地遷沙村之民運去漲土鑿提岸千橋走水而於下流開白蜆安亭江使湖水由華亭青龍入海雖知松江之要而不識禹貢之三江其所建白猶未卓然所以欲截西水壅太湖之上流也蘇軾有言欲淞江不塞必盡徙吳江一縣之民此論殆非錡之所及

三吳水利錄

卷四

四

今不鑄去堤岸而直為千橋亦守常之論耳崇寧二年宗正丞徐確提舉常平考禹貢三江之說以為太湖東注淞江正在下流請自封家渡古江開洶至大通浦直徹海口當時唯確欲復古道然確為三江之說今亦不可得而考元恭定二年都水監任仁發開江自黃浦口至新洋江江面濶十五丈仁發稱古者江狹處猶廣二里然二里即江之湮已久矣自宋元嘉中滬瀆已壅噎至此何啻千年邾氏云吳松古道可敵千浦又江旁縱

浦邨氏自言小時猶見其濶二十五丈則江之廣可知
故古江蟠屈如龍形蓋江自太湖來源不遠面勢既廣
若徑直則又易泄而湖水不能畜聚所以迂迴其途使
如今江之淺狹何用蟠屈如此余家安亭在松江上求
所謂安亭江者了不可見而江南有大盈浦北有顧浦
土人亦有三江口之稱江口有渡問之百歲老人云往
時南北渡一日往來僅一二迴可知古江之廣也本朝
都御史崔恭鑿新道自大盈浦東至吳松江巡檢司又

三吳水利錄

卷四

五

自新涇西南蒲匯塘入江自曹家河直鑿平地至新場
江面廣十四丈夫以邨氏所見之浦尚有二十五丈而
都水所開江面才及當時之浦至本朝之開江迺十四
丈則興工造事以今方古日就卑微安能復見禹當時
之江哉漢賈讓論治河欲北徙冀州之民當水衝者決
黎陽遮害亭放河北入海當敗壞城郭田廬塚墓以萬
數以為大禹治水山陵當路者毀之墜斷天地之性此
迺人功所造何足言也若惜區區漲沙芟蘆之地雖歲

二〇〇

歲開浦而支本不正水終橫行今自嘉靖以來歲多旱
而少水愚民以為不復見白水之患余嘗聞正德四年
秋雨七日夜吳中遂成巨浸設使如漢建始間霖雨三
十日將如之何天災流行國家代有一遇水潦吾民必
有魚鼈之憂矣或曰今獨開一江則其餘溪港當盡廢
耶曰禹決九川距四海濬畎澮距川江流既正則隨其
所在可鉤引以溉田畝且江流浩大其勢不能不漫溢
如今之小江尚有勦娘江分四五里而合者則夫奇分
三吳水利錄

而旁出古婁江東江之跡或當自見且如劉家港元時
海運千艘所聚至今為入海大道而上海之黃浦勢猶
洶湧豈能廢之但本支尊大則支庶莫不得所矣

敘說

古今論三江者班固韋昭桑欽之說近之但固以蕪湖東至陽羨入海昭分錢塘江浦陽江為二桑欽謂南江自牛渚上桐水過安吉歷長瀆為不習地勢程大昌辨之詳矣然孔安國蘇軾所論亦未必然也今從郭璞以岷江松江浙江為三江蓋自揚州斜轉東南揚子江吳松江錢塘江三處入海而皆以江名其為三江無疑但松江湮塞細弱無復江之形勢世遂忽之而不論耳宋

三吳水利錄

卷四

七

淳熙中直學邊寔修崑山志言大海自西泖分南北由轉斜而西朱陳沙謂之揚子江口由徘徊頭而北黃魚梁謂之吳松江口浮子門而上謂之錢塘江口三江既入禹跡無改此今日之所目見諸儒胸臆之說不足道也

敘說

史記正義曰在蘇州東南三十里名三江口一江西南上七十里至太湖名曰淞江古笠澤江一江東南上七十里白蜆湖名曰上江亦曰東江一江東北下二百餘里入海名曰下江亦曰婁江其分處號三江口顧夷吳地說松江東北行七十里得三江口庾仲初注揚都賦太湖東注為松江七十里有水口流東北入海為婁江東南入海為東江蓋松江之有婁江東江如岷江之中

三吳水利錄

卷四

八

江北江九江其實一江耳昔賢以此解松江下之三江口非以為禹貢之三江也吳郡續志云松江受太湖一自長橋流入同里犂湖濠由白蜆江入薛澱湖一自甘泉橋由松江尾東華澤湖自急水港至白蜆江入澱湖而注之海以正義吳地記求其所在則松江北行七十里分流者當在今崑山之境說者徒欲尋求二江而不知由松江細弱所以竒分之水遂不可見續郡志云崑山塘自婁門歷崑山以達于海以劉家港為堯

滿

附會也

吳淞江南岸

張家濱 戴家濱 青浦 古江 南澹浦 上海

浦 大虛浦 西盧浦 新涇 魚浦 小許浦

盤龍江 儼儻浦 周涇 西舊涇 赤眼浦 華

潮浦 淮浦 朱壘浦 艾祁浦 青龍江 浦家

江 大盈浦 梁紇浦 南澣浦 直浦 趙屯浦

內勛浦 石浦 道褐浦 金竈浦 蕭市浦 陸

三吳水利錄

卷四

九

虞浦 千墩浦 任浦 漳潭浦 同邱浦 諸天

浦 張浦 帆歸浦 大直浦 少里浦 東齊浦

刹力浦 吳浦 界浦 角直浦

吳淞江北岸

江灣浦 坊濱 唐莊浦 東彭越浦 西彭越浦

趙浦 大塲浦 桃樹浦 下槎浦 中槎浦 上

槎浦 石橋濱 新華浦 封家濱 李壘浦 上

棧浦 何浦 陸皎浦 東黃渡浦 裘浦 西黃

渡浦 桑浦 顧浦 安亭港 徐公浦 北泮浦
 大瓦浦 小瓦浦 蔣浦 三林浦 金城浦 顧
 幕浦 木瓜浦 下駕浦 天明浦 新洋浦 馬
 仁浦 小虞浦 大虞浦 良里浦 新瀆浦 下
 里浦 黃瀆浦 及野浦 界浦 曹涇 六市浦
 管廉浦 張浦 戴墟浦 陸涇 廟涇 箭涇
 青邱浦 索路港

右宋嘉祐所開之新江其諸浦名互見郊氏書中松江

三吳水利錄

卷四

十

自湖口來入海兩岸皆浦形如百足今有見在通流者
 或填淤僅如溝澮或沒不復見而地名猶存皆可尋究
 酈道元注水經云東南地卑萬流所湊濤湖泛決觸地
 或川故川舊瀆難以悉取酈氏生長北方未嘗親見蓋
 以意度之如此耳
 觀吳淞江兩岸港浦具見治水綱領永樂二年夏忠靖
 公掣崑山嘉定諸塘浦引吳淞江入劉家河於上海瀆
 范家濱接黃浦而於江之東段初不施工蓋已失水之

卷

勢矣

元大德八年都水監開江丈尺

吳淞江東南黃浦口起至大盈浦口止一萬五千一

百丈

大盈浦口起至永懷寺東止一千六百丈

永懷寺東起至趙屯浦口止一千五百丈

趙屯浦口起至陸家濱止二千三百五十丈

陸家濱起至千墩浦口新洋江止一千六百丈

三吳水利錄

卷四

十一

通計長二萬二千一百五十丈

廣二十五丈

深一丈五丈

天順四年崔都御史開江丈尺

大盈浦東至吳淞江巡檢司二萬二千丈

新涇西南蒲匯塘入江四千丈

曹家河平地至新場三萬丈

廣十四丈

深二丈

按夏忠靖公治水不全用力吳淞江者蓋時江水猶
通流也正統六年周文襄公始修吳淞江立表江心
盡去壅塞天順四年崔都御史恭弘治七年徐侍郎
貫嘉靖元年李尚書充嗣凡三浚迄今四十餘年不
治矣經國者所當留意也




三吳水利錄

卷四

三

三吳水利錄卷四

三江圖



浙江下三江口圖

